

შპს „იუ-ჯი-თი“ (შემდგომში „კომპანია“) წარმოდგენილი მისი გენერალური დირექტორის ერმილე სულაძის სახით, ერთის მხრივ და „სსიპ ბორჯომის სასპორტო სკოლა“(შემდგომში “დამკვეთი”), წარმოდგენილი მისი დირექტორის სახით, მეორეს მხრივ, შემდგომში ერთად წოდებული „მხარეები“ და ცალ-ცალკე – „მხარე“, ვდებთ ხელშეკრულებას შემდეგზე:

### I. ხელშეკრულების საგანი

- 1.1. წინამდებარე ხელშეკრულების საგანს წარმოადგენს კომპანიის მიერ დამკვეთისათვის დანართი #1-ით გათვალისწინებული აპარატურის (შემდგომში: საქონელი) მიწოდება და საკუთრებაში გადაცემა;
- 1.2. საქონლის აღწერა მოცემულია დანართი №1-ში, რომელიც შედგება 1 (ერთი) ფურცლისგან. დანართი №1 წარმოადგენს წინამდებარე ხელშეკრულების განუყოფელ ნაწილს, ხელმოწერილია საამისოდ უფლებამოსილი წარმომადგენლების მიერ, რომელთა ხელმოწერებიც განმტკიცებულია ორგანიზაციის ბეჭდით;
- 1.3. დანართში მითითებულია: საქონლის დასახელება და კომპლექტაცია, მოდელი, რაოდენობა, ღირებულება, მხარეთა რეკვიზიტები და სხვა აუცილებელი მონაცემები;

### II. მხარეთა უფლება-მოვალეობები

- 2.1. კომპანია ვალდებულია, განახორციელოს დანართში მითითებული საქონლის მიწოდება და საკუთრებაში გადაცემა, წინამდებარე ხელშეკრულებით გათვალისწინებული წესის თანახმად;
- 2.2. კომპანია ვალდებულია, მიაწოდოს დამკვეთს ნივთობრივად და უფლებრივად უნაკლო საქონელი;
- 2.3. დამკვეთი ვალდებულია, მიიღოს და აანაზღაუროს მიწოდებული საქონლის ღირებულება წინამდებარე ხელშეკრულებით გათვალისწინებული წესის თანახმად;

### III. სახელშეკრულებო ღირებულება, ანგარიშსწორება

- 3.1. ხელშეკრულებით გათვალისწინებული საქონლის საერთო ღირებულება (შემდგომში “სახელშეკრულებო ღირებულება”) შეადგენს 1,520 (ათასხუთას ოცი ლარი) ლარს დღგ-ს ჩათვლით.
- 3.2. ანგარიშსწორების პირობაა უნაღდო ანგარიშსწორება;
  - 3.2.1. სახელშეკრულებო ღირებულების 100%-ის გადახდა განხორციელდება საქონლის მიწოდებიდან და შესაბამისი მიღება-ჩაბარების აქტის ხელმოწერიდან არაუგვიანეს 10 (ათი) კალენდარული დღისა;
- 3.3. ანგარიშსწორება ხორციელდება ლარში, გადახდის დღეს არსებული საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად;

### IV. საქონლის მიწოდების ვადები

- 4.1. ხელშეკრულებით გათვალისწინებული საქონლის მიწოდება განხორციელდება ხელშეკრულების ხელმოწერიდან არაუგვიანეს 5 (ხუთი) კალენდარული დღისა;
- 4.2. საქონლის მიწოდებიდან 3 (სამი) დღის ვადაში მხარეთა შორის ფორმდება შესაბამისი მიღება-ჩაბარების აქტი. საქონლის გადაცემიდან მიღება-ჩაბარების აქტის გაფორმებამდე საქონლის უსაფრთხოდ შენახვაზე პასუხისმგებელია დამკვეთი. საკუთრების უფლება და საქონლის დალუპვისა თუ დაკარგვის რისკი გადადის კომპანიიდან დამკვეთზე შესაბამისი მიღება-ჩაბარების აქტის გაფორმების მომენტიდან. იმ შემთხვევაში თუ დამკვეთი 3 (სამი) დღის განმავლობაში არ გააფორმებს მიღება-ჩაბარების აქტს ან/და არ წარმადგენს დასაბუთებულ უარს, საქონელი ჩაითვლება მიღებულად და დაექვემდებარება სავალდებულო ანაზღაურებას.

- 4.3. დამკვეთის მხრიდან მიღება-ჩაბარების აქტს ხელს მოაწერს: ააიპ ბორჯომის სასპორტო სკოლის დირექტორის მოვალეობის შემსრულებელი მერაბ კვარაცხელია მიღება-ჩაბარების აქტის თანაბარი იურიდიული ძალა აქვს დამკვეთის მიერ შემოსავლების სამსახურის ვებ გვერდზე საგადახდო დოკუმენტის დადასტურებას;
- 4.4. დანართში #1 მითითებული საქონლის მიწოდება ხორციელდება შემდეგ მისამართზე: ჭავჭავაძის გამზირი 17ა;

## V. ხელშეკრულების დარღვევა, რეკლამაცია, უთანხმოების გადაჭრა

- 5.1. მიწოდების/ანგარიშსწორების ვადის დარღვევისათვის მხარე უფლებამოსილია დამრღვევ მხარეს დააკისროს პირგასამტეხლო ყოველ ვადაგადაცილებულ დღეზე მიუწოდებელი საქონლის/გადაუხდელი (დაგვიანებით გადახდილი) თანხის 0.1%-ის ოდენობით;
- 5.2. პირგასამტეხლოს გადახდა მოხდება მხარის მოთხოვნიდან 10 (ათი) დღის განმავლობაში, თუ მხარეები სხვა პირობაზე არ შეთანხმდებიან. პირგასამტეხლოს დაკისრება წარმოადგენს მხარის უფლებამოსილებას და არა ვალდებულებას. პირგასამტეხლოს გადახდა დამრღვევ მხარეს არ ათავისუფლებს ხელშეკრულებით გათვალისწინებული ძირითადი ვალდებულებების შესრულებისაგან;
- 5.3. იმ შემთხვევაში თუ დამკვეთი უარს იტყვის საქონლის შესყიდვაზე (აღნიშნული უარი არ არის გამოწვეული კომპანიის მიზეზით) მას დაეკისრება პირგასამტეხლო ხელშეკრულების ღირებულების 25%-ის ოდენობით და საქონელი დარჩება კომპანიას. ავანსის გადახდის შემთხვევაში დამკვეთს უკან დაუბრუნდება გადახდილი ავანსი აღნიშნული პირგასამტეხლოს გამოკლებით;
- 5.4. თუ კომპანიის მიერ ვალდებულების შესრულების ვადის გადაცილება ან არაჯეროვანი შესრულება გამოწვეულია დამკვეთის მიზეზით, ამ შემთხვევაში კომპანიას არ დაეკისრება ხელშეკრულებით გათვალისწინებული პირგასამტეხლო;
- 5.5. თუ დამკვეთის მიერ ვალდებულების შესრულების ვადის გადაცილება ან არაჯეროვანი შესრულება გამოწვეულია კომპანიის მიზეზით, ამ შემთხვევაში დამკვეთს არ დაეკისრება ხელშეკრულებით გათვალისწინებული პირგასამტეხლო.

## VI. ფორს-მაჟორი

- 6.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;
- 6.2. ამ მუხლის მიზნებისათვის “ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული კომპანიასა და/ან დამკვეთის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა;
- 6.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების

შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## VII. ხელშეკრულების მოქმედების ვადა და პირობები

- 7.1. წინამდებარე ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს ვალდებულებათა სრულად ამოწურვამდე;
- 7.2. ამ ხელშეკრულების ვადამდე შეწყვეტა შესაძლებელია მხოლოდ ამ ხელშეკრულებით განსაზღვრულ შემთხვევებში, ასევე ურთიერშეთანხმებით ან ცალმხრივად იმ შემთხვევაში, თუ მეორე მხარე ვერ უზრუნველყოფს თავისი ვალდებულების ჯეროვან შესრულებას, ან მოქმედი კანონმდებლობით გათვალისწინებული სხვა შემთხვევების არსებობისას;

## VIII. დავათა გადაწყვეტა

- 8.1. მხარეთა შორის ხელშეკრულებასთან დაკავშირებული სადავო საკითხები რეგულირდება საქართველოს კანონმდებლობის შესაბამისად. მხარეები ეცდებიან მოლაპარაკებების პროცესში შეთანხმებით მოაგვარონ ხელშეკრულებასთან დაკავშირებული ყველა უთანხმოება და დავა;
- 8.2. ნებისმიერი დავა, წარმოშობილი წინამდებარე ხელშეკრულებიდან ან მასთან დაკავშირებით, მათ შორის ნებისმიერი საკითხი ხელშეკრულების ანდა საარბიტრაჟო შეთანხმების არსებობის, ნამდვილობასა და შეწყვეტის შესახებ განხილვისა და საბოლოო გადაწყვეტილების მიღების მიზნით უნდა გადაეცეს მუდმივმოქმედ არბიტრაჟს „დავების განმხილველ ცენტრს“ საარბიტრაჟო განხილვის ადგილია ქ. თბილისი (DRC-ს, რომლის სარეგისტრაციო კოდია 204547348; იურიდიული მისამართი ქ. თბილისი ვაჟა-ფშაველას 71, მე-4 ბლოკი, 2 სართული, ოფისი 11. ვებ.გვერდი: [WWW.DRC.GE](http://WWW.DRC.GE))
- 8.3. მხარეებს უფლება აქვთ, ნებისმიერ დროს სცადონ წინამდებარე ხელშეკრულებიდან გამომდინარე ან მასთან დაკავშირებით წარმოშობილი დავის მედიაციის მეთოდით გადაწყვეტა DRC-ის რეგლამენტის შესაბამისად.

## IX. სხვა პირობები

- 9.1. წინამდებარე ხელშეკრულების ყველა დამატება და ცვლილება ძალაშია, თუ იგი შესრულებულია წერილობით, წინამდებარე ხელშეკრულების ფორმის დაცვით და ხელმოწერილია მხარეთა უფლებამოსილი წარმომადგენლების მიერ;
- 9.2. ხელშეკრულების რომელიმე კონკრეტული მუხლის/პუნქტის ბათილობა არ იწვევს ხელშეკრულების ბათილობას;
- 9.3. მხარეებს არ აქვთ უფლება, წინამდებარე ხელშეკრულებით მინიჭებული უფლება-მოვალეობები გადასცენ მესამე პირს, გარდა ხელშეკრულებით გათვალისწინებული შემთხვევებისა;
- 9.4. ხელშეკრულება შედგენილია ქართულ ენაზე 2 (ორი) თანაბარი იურიდიული ძალის მქონე ეგზემპლარად. ერთი ეგზემპლარი ინახება კომპანიაში, ხოლო მეორე – დამკვეთთან;

**X. მხარეთა რეკვიზიტები**

**კომპანია:**

შპს „იუ-ჯი-თი“

ი.ჭავჭავაძის #17ა 0179

ქ.თბილისი,საქართველო

ს/კ: 204 892 964

ტელ: 22 05 05

**საბანკო რეკვიზიტები:**

სს „თიბისი ბაკი“

ბანკის კოდი: TBCBGE22

ა/ა: GE05TB0600000005467291

**დამკვეთი:**

ააიპ ბორჯომის სასპორტო სკოლა

ქ. ბორჯომი რუსთაველის ქ#101

ს/კ226164959

ტელ:0367 22 01 13

სახელმწიფო ხაზინა

გენერალური დირექტორი

დირექტორის მ.შ

---

/ერმილე სულამე/

---

/მერაბ კვარაცხელია /

ხელშეკრულება №19/04  
19 აპრილი 2023

დანართი #1

№	საქონლის/მომსახურების დასახელება	პარტ №	გარანტია	რ-ბა	ერთ. ფასი (ვალუტა)	მთლიანი ფასი (ვალუტა)
1	Samsung MLT-D115L Black Cartridge	SU822A		8	190 ლარი	1520 ლარი
ჯამი:						
დღგ (18%):						
სულ ჯამი დღგ-ს ჩათვლით:						1520 ლარი

კომპანია:

შპს „იუ-ჯი-თი“

ი.ჭავჭავაძის #17ა 0179

ქ.თბილისი, საქართველო

ს/კ: 204 892 964

ტელ: 22 05 05

საბანკო რეკვიზიტები:

სს „თიბისი ბაკი“

ბანკის კოდი: TBCBGE22

ა/ა: GE05TB060000005467291

გენერალური დირექტორი

\_\_\_\_\_  
/ერმილე სულაძე/

დამკვეთი:

ააიპ ბორჯომის სასპორტო სკოლა  
ქ. ბორჯომი რუსთაველის ქ#101

ს/კ 226164959

ტელ: 0367 22 01 13

სახელმწიფო ხაზინა

დირექტორის მ/შ

\_\_\_\_\_  
/მერაბ კვარაცხელია/

